

Հավելված

Հաստատված է Լեռնային Ղարաբաղի Հանրապետության
հանրային ծառայությունները և տնտեսական մրցակցությունը
կարգավորող պետական հանձնաժողովի
2011 թվականի նոյեմբերի 22-ի թիվ 142Ա որոշման

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԵՎ ՏՆՏԵՍԱԿԱՆ
ՄՐՑԱԿՑՈՒԹՅՈՒՆԸ ԿԱՐԳԱՎՈՐՈՂ ՊԵՏԱԿԱՆ ՀԱՆՁՆԱԺՈՂՈՎԻ**

Ծ Ր Ա Գ Ի Ր

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԵՎ
ՏՆՏԵՍԱԿԱՆ ՄՐՑԱԿՑՈՒԹՅՈՒՆԸ ԿԱՐԳԱՎՈՐՈՂ ՊԵՏԱԿԱՆ ՀԱՆՁՆԱԺՈՂՈՎԻ
2012 ԹՎԱԿԱՆԻ ՏԱՐԵԿԱՆ ԳՈՐԾՈՒՆԵՈՒԹՅԱՆ**

ՍՏԵՓԱՆԱԿԵՐՏ 2012

Բ Ո Վ Ա Ն Դ Ա Կ ՈՒ Թ Յ ՈՒ Ն

Նախաբան	3
1. Կարգավորվող ոլորտների իրավիճակի և հիմնախնդիրների մասին	4
2. Կարգավորման օրենսդրական բարեփոխումներ	4
3. Հեռահաղորդակցություն (այդ թվում՝ հեռուստատեսություն և ռադիո)	6
4. Տնտեսական մրցակցության պաշտպանություն	7
5. Լիցենզավորում, ներդրումային ծրագրերի որակական ցուցանիշների ուսումնասիրություն և սակագնային քաղաքականություն	10
6. Հասարակության հետ տարվող աշխատանքների բարելավում	12
7. Ներպետական և միջազգային համագործակցություն	13

Նախաբան

Այս ծրագրով սահմանվում է Լեռնային Ղարաբաղի Հանրապետության հանրային ծառայությունները և տնտեսական մրցակցությունը կարգավորող պետական հանձնաժողովի (այսուհետ՝ նաև՝ Հանձնաժողով) 2012 թվականի տարեկան գործունեության գերակա ուղղությունները, և ամփոփ տեղեկություններ է պարունակում կարգավորվող ոլորտի, կարգավորման քաղաքականության և տնտեսական մրցակցության մշակույթի ներդրման հիմնական ուղղությունների ու առկա հիմնախնդիրների մասին: Ծրագրի գերակա ուղղություններն են Լեռնային Ղարաբաղի Հանրապետության ամբողջ տարածքում տեղական արտադրության դինամիկ զարգացմանը նպաստելը, սակագնային ու տնտեսական մրցակցության բնագավառներում արդարացի, մարդկային արժեքների վրա հիմնված ու հիմնավորված քաղաքականության վարումը, կառույցի նկատմամբ հանրության ու սպառողների վստահության ամրապնդումը:

Ծրագրում նշված ուղղությունները շարունակությունն են այն համակարգային քաղաքականության, որը Հանձնաժողովը որդեգրել է դեռևս 2010 թվականին:

Լեռնային Ղարաբաղի Հանրապետությունում հանրային ծառայությունների և տնտեսական մրցակցության կարգավորման քաղաքականությունը ծրագրավորվել է հաշվի առնելով երկրի տնտեսության դինամիկ զարգացման հիմնական ուղղությունները:

Հանձնաժողովը հիմնվելով Լեռնային Ղարաբաղի Հանրապետության տնտեսության, կարգավորվող բնագավառի իրավիճակի վերլուծության և նախորդ տարիների ընթացքում ձեռք բերած փորձին, իրականացնում է համալիր միջոցառումներ, որոնք ուղղված են երկրի տնտեսության զարգացմանը, բնակչության կենսամակարդակի բարձրացման և մրցակցային բարենպաստ միջավայրի ձևավորմանը:

Մշակման ընթացքում մեծ նշանակություն է տրվել նաև Հայաստանի Հանրապետության համապատասխան հանձնաժողովների հետ իրականացված համատեղ քննարկումների արդյունքում նրանց կողմից ներկայացված առաջարկներին ու խորհրդատվությանը, ինչպես նաև համագործակցության համաձայնագրերով ամրագրված համագործակցության ուղղություններին:

2012 թվականին կշարունակվի 2011 թվականին սկսած հանրային ծառայությունների և տնտեսական մրցակցության դաշտը կարգավորող օրենսդրական փոփոխությունների, և

այդ փոփոխություններից բխող ենթաօրենսդրական ակտերի մշակման ու դրանց գործնական կիրառման իրականացման գործընթացը:

Հանձնաժողովը ծրագրավորել է իրականացնել միջոցառումներ ուղղված մրցակցային միջավայրի էլ ավելի ազատականացմանը, որն էլ իր հերթին կնպաստի ձեռնարկատիրության զարգացմանը, ներդրումների խթանմանն ու ավելացմանը:

Կարգավորվող ոլորտների իրավիճակի և հիմնախնդիրների մասին

Լեռնային Ղարաբաղի Հանրապետության հանրային ծառայությունները և տնտեսական մրցակցությունը կարգավորող պետական հանձնաժողովը, իրականացնելով էներգետիկայի, հեռահաղորդակցության, տնտեսական մրցակցության պաշտպանության, փոստային կապի, տրանսպորտային միջոցների պարտադիր տեխնիկական զննության անցկացման (սակագների սահմանման և վերանայման մասով) բնագավառների ու ջրային համակարգի կարգավորումը, նպատակ ունի իր իրավունքների և պարտականությունների իրականացմամբ հավասարակշռել սպառողների ու հանրային ծառայությունների և տնտեսական մրցակցության ոլորտում կարգավորվող գործունեություն իրականացնող անձանց շահերը, կարգավորվող անձանց համար ստեղծել գործունեության միատեսակ պայմաններ, նպաստել մրցակցային շուկաների ձևավորմանն ու զարգացմանը, կարգավորվող դաշտի թափանցիկության ապահովմանն և խթանել ռեսուրսների արդյունավետ օգտագործումը:

Չանդրադառնալով կարգավորման հիմնական սկզբունքներին և կարգավորվող բնագավառների իրավիճակին (տեղեկանքը կցվում է) Հանձնաժողովը ծրագրել է իրականացնել հետևյալ միջոցառումները:

Կարգավորման օրենսդրական բարեփոխումներ

Հանձնաժողովի կարևորագույն գործառնություններից է կարգավորման օրենսդրական շարունակական կատարելագործումը՝ ելնելով սպառողների և կարգավորվող անձանց իրավունքների պաշտպանության ու շահերի հավասարակշռման, մրցակցային միջավայրի զարգացման համար անհրաժեշտ պայմանների ստեղծման, կարգավորվող ենթակառուցվածքներում արդյունավետ ներդրումների խրախուսման և կարգավորման դաշտի թափանցիկության ապահովման առաջնահերթություններից:

Օրենսդրության կատարելագործմամբ կապահովվեն հետևյալ խնդիրների լուծումը՝

-Օրենքներում առկա անհատությունների, տարրնթերցումների, տարաբնույթ մեկնաբանությունների վերացումը,

-կարգապահության ամրապնդումը և պատասխանատվության բարձրացումը:

2011 թվականին «Հանրային ծառայությունները և տնտեսական մրցակցությունը կարգավորող մարմնի մասին» Լեռնային Ղարաբաղի Հանրապետության օրենքում կատարված /և 2012 թվականին նախատեսվող/ փոփոխություններով ապահովվել է Հանձնաժողովի ֆինանսական անկախությունը, ինչը հնարավորություն է տվել ընդլայնել հանձնաժողովի կարողությունները: Հանձնաժողովն ապահովել է կարգավորման ոլորտում գտնվող ընկերությունների կողմից Լեռնային Ղարաբաղի Հանրապետության պետական բյուջե մուտքագրվող գումարների աճ՝ լիցենզիաների (թույլտվությունների) վճարների, պետական տուրքերի, ռադիոհաձախականությունների տրամադրման և օգտագործման վճարների, կարգավորման պարտադիր վճարների, ինչպես նաև տնտեսական մրցակցության պաշտպանության բնագավառում բացահայտված խախտումների համար կիրառվող պատասխանատվության միջոցների հաշվին: Նախատեսվում է, որ 2012 թվականին նշված աղբյուրներից Լեռնային Ղարաբաղի Հանրապետության պետական բյուջե կմուտքագրվի շուրջ 340.2 մլն. դրամ, որը 16.6 մլն. դրամով կգերազանցի 2011 թվականի սպասողական կատարողականը:

2012 թվականին Հանձնաժողովը նոր արդյունավետ կարգավորման հավասարակշռող մեխանիզմներ ներդնելու նպատակով կշարունակի իրավական դաշտի կատարելագործման աշխատանքները:

Տնտեսական բարեփոխումները կրելով շարունակական բնույթ և համարվելով ժամանակի պահանջ, պարտադրում է իրականացնել համահունչ փոփոխություններ նաև հակամրցակցային համաձայնությունների, մենաշնորհ կամ գերիշխող դիրքի, համակենտրոնացման, անբարեխիղճ մրցակցության, պետական օժանդակության ոլորտներում, ինչի արդյունքում էլ այդ բարեփոխումներն որակական նոր բնույթ կկրեն և կնպաստեն ինչպես Հանձնաժողովի գործունեության արդյունավետության բարձրացմանը, այնպես էլ մրցակցային միջավայրի ժամանակակից պահանջների ձևավորմանը: Դրան հասնելու համար Հանձնաժողովը նախատեսում է 2011 թվականին Լեռնային Ղարաբաղի Հանրապետության Ազգային ժողով ներկայացնել օրենսդրական փաթեթի նախագիծ՝ «Էներգետիկայի մասին», «Հեռուստատեսության և ռադիոյի մասին», «Էլեկտրոնային հաղորդակցության մասին», «Հանրային ծառայությունները և տնտեսական մրցակցությունը կարգավորող մարմնի մասին», «Տնտեսական մրցակցության պաշտպանության մասին» Լեռնային Ղարաբաղի Հանրապետության օրենքներում

լրացումներ և փոփոխություններ կատարելու մասին ու Ազգային ժողովի կողմից ընդունվելու դեպքում ուժի մեջ կմտնի 2012 թվականի հունվարի 1-ից: Նշված օրենքների նախագծերով նախատեսվում է գործող ոլորտներում առկա օրենսդրական բացթողումների և տարընթերցումների վերացում, կարգավորվողների գործունեության նկատմամբ հսկողության ուժեղացում և սպառողների նկատմամբ պատասխանատվության բարձրացում:

Հեռահաղորդակցություն (այդ թվում՝ հեռուստատեսություն և ռադիո)

Հեռահաղորդակցության (այդ թվում՝ հեռուստատեսության և ռադիոյի) բնագավառը, որի կարգավորումը իրականացվում է «Էլեկտրոնային հաղորդակցության մասին» և «Հեռուստատեսության և ռադիոյի մասին» Լեռնային Ղարաբաղի Հանրապետության օրենքներով՝ իր բազմաբնույթ ուղղություններով և խնդիրներով համարվում է Հանձնաժողովի գործունեության գերակա ուղղություններից:

Կշարունակվեն սկսված բարեփոխումներն այս բնագավառում, մշտական ուշադրության կենտրոնում պահելով բնակչությանը մտահոգող խնդիրները, և համապատասխան աշխատանքներ կտարվեն կարգավորվողների հետ լուծելու այդ խնդիրները:

2012 թվականի ընթացքում նախատեսվում է իրականացնել նաև հետևյալ միջոցառումներն ու աշխատանքները.

- ռադիոհաճախականությունների օգտագործման թույլտվությունների տրամադրման և օգտագործման վճարների սահմանման և հավաքագրման գործընթացը գերատեսչական ակտերի կարգավորման շրջանակից տեղափոխել օրենսդրական ակտերի կարգավորման շրջանակ,

- միջոցառումներ ձեռնարկել ֆիքսված և բջջային կապի օպերատորի կողմից մատուցվող ծառայությունների ցանկը ընդլայնելու, ֆիքսված և բջջային կապի բաժանորդների համար նոր սակագնային պլանների և կորպորատիվ փաթեթների մշակման և սակագների նվազումը ապահովելու կապակցությամբ,

- 2012 թվականի ընթացքում առանձնակի ուշադրություն դարձնել հեռավոր շրջաններում հանրային էլեկտրոնային հաղորդակցության ցանցերի զարգացումը խթանող պայմանների ստեղծմանը,

- մշակել և իրագործել համալիր միջոցառումներ, որոնք կնպաստեն միջազգային ինֆերնետր հասանելիության ծառայությունների սակագների իջեցմանը,

- 2012 թվականի ընթացքում Հանձնաժողովի գործունեությունն ուղղված կլինի նաև բջջային կապի 3-րդ սերնդի ցանցերի՝ 3G սպանդարտի ներդրմանն և ցանցի շահագործմանն առնչվող խնդիրների ուսումնասիրությանը՝ ինչը հնարավորություն կընձեռի բջջային ցանցի բաժանորդներին շարք արագագործություն ունեցող համակարգի միջոցով սրանալ ծառայությունների ավելի մեծ փեսականի՝ փեղեկապական հոսքերի հսկայական ծավալներով: Ապահովելով ինտերնետից օգտվելու լիարժեք հնարավորություն մեծ արագագործությամբ, 3G սպանդարտը հնարավորություն կտա բաժանորդներին օգտվել նաև կորպորատիվ ցանցի հեռակա օգտագործման բազմաթիվ հնարավորություններից՝ բջջային հեռախոսակապի միջոցով, - հեփնելով բջջային կապի զարգացման և էլեկտրոնային հաղորդակցության բնագավառում լայնաշերտ ծառայությունների մաքուր (broadband) համաշխարհային զարգացումներին, Հանձնաժողովը կարևորում է 2012 թվականի ընթացքում էլեկտրոնային հաղորդակցության բնագավառում լայնաշերտ ծառայությունների մաքուր համար բարենպաստ պայմաններ ստեղծելու ու այդ ծառայությունների մաքուր համար նպաստավոր իրավական դաշտ ձևավորելու աշխատանքները:

Ընդհանրապես 2012 թվականի ընթացքում նախատեսվում է փրամադրել փվյալների հաղորդման և ինտերնետ հասանելիության ծառայությունների մաքուր մոք 20 լիցենզիաներ և սկնկավում է ռադիոհաղորդումների հեռարձակման, էլեկտրոնային հաղորդակցության, ու հեռուստատեսության և ռադիոյի բնագավառին վերաբերող լիցենզիաների հայտեր:

Տնտեսական մրցակցության պաշտպանություն

Այս ոլորտի ծրագիրն իրենից ներկայացնում է Հանձնաժողովի կողմից իրականացվող հաջորդական միջոցառումների համակարգ, որոնք ուղղված են մրցակցության պայմանների ապահովմանը, բնակչության սոցիալական վիճակի բարելավմանն և օպերատիվ ձևով անդրադառնում են երկրում տնտեսական իրավիճակի փոփոխություններին:

Այդ միջոցառումները Հանձնաժողովը 2012 թվականին ծրագրում է իրականացնել տնտեսական մրցակցության քաղաքականության հետևյալ գերակա ուղղություններով.

Ապրանքային շուկաների ուսումնասիրություններ, որոնց միջոցով կպարզվեն.

- *ապրանքային շուկաների ծավալները, ապրանքային և աշխարհագրական սահմանները,*

- *շուկաների կենտրոնացվածության աստիճանը, շուկա մուտք գործելու խոչընդոտները,*

- *պետության կողմից իրականացվող տնտեսական քաղաքականության ազդեցությունն այդ շուկաների վրա:*

Ուսումնասիրության ընթացքում հատուկ ուշադրություն կդարձվի տնտեսվարող սուբյեկտների միջև **հակամրցակցային համաձայնությունների հայտնաբերմանը**: Հակամրցակցային համաձայնությունների հայտնաբերմանը, կանխարգելմանը, սահմանափակմանն ու արգելմանն ուղղված հիմնական միջոցառումներն են.

- *ապրանքային շուկաներում գործող գների ուսումնասիրությունը,*

-*տնտեսվարող սուբյեկտների շուկա մուտք գործելու խոչընդոտների հայտնաբերումն և վերացումը:*

Կշարունակվի ապրանքային շուկաների հետազոտության միջոցով **գերիշխող դիրք** ունեցող տնտեսվարող սուբյեկտների բացահայտումը և դրանց կենտրոնացված ռեեստրի վարումը:

Գերիշխող դիրք ունեցող տնտեսվարող սուբյեկտների կողմից գերիշխող դիրքի չարաշահման կանխարգելման, նախազգուշացման և սահմանափակման համար նախատեսվող միջոցառումներն են`

- *գերիշխող ճանաչված տնտեսվարող սուբյեկտների գործունեության հետազոտում,*

- *չարաշահումների բացահայտում և վերացում,*

- *շուկա մուտք գործելու խոչընդոտների վերացմանն ուղղված քաղաքականության իրականացում:*

Քայլեր կձեռնարկվեն **Համակենտրոնացումների**, որոնք հիմնականում արտահայտվում են տնտեսվարող սուբյեկտների միաձուլմամբ, մեկ սուբյեկտի կողմից այլ տնտեսվարող սուբյեկտների միջոցների կամ փայաբաժնի ձեռք բերմամբ, բացահայտման և կարգավորման համար:

Հանձնաժողովը կիրականացնի հետևյալ միջոցառումները.

-*մասնակիցների ձեռնարկատիրական գործունեության համակարգման նպատակով տնտեսվարող սուբյեկտների միավորման արդյունքում ստեղծվող կազմակերպությունների նկատմամբ վերահսկողության իրականացում,*

-*տարբեր ապրանքային շուկաներում համակենտրոնացումների բացահայտում, շուկայի վրա դրանց ազդեցության հետազոտում,*

-*գործողության մեջ դրված արգելված համակենտրոնացումների հայտնաբերում ու լուծարում:*

Անբարեխիղճ մրցակցության բացահայտման ուղղությամբ Հանձնաժողովը լիազորված և շահագրգիռ այլ մարմինների հետ համատեղ վերահսկելու է ապրանքային

նշանների կեղծման, նմանակման, ֆիրմային անվանումների ապօրինի օգտագործման և ազնվության, բարեխղճության, արդարության սկզբունքների խախտումների դրսևորումները:

Նշված գործողությունների իրականացման համար Հանձնաժողովը ծրագրում է հետևյալ միջոցառումները.

Միջոցառում	Ժամկետ
1. Ծրագրի իրականացման համար անհրաժեշտ առկա տեղեկատվական բազայի թարմացում և ընդլայնում	Տարվա ընթացքում
2. Ապրանքային և ծառայությունների շուկաների ուսումնասիրություն և վերլուծություն (հակամրցակցային համաձայնություններ, գերիշխող դիրքի չարաշահում, օրենքով արգելված համակենտրոնացումներ և անբարեխղճ մրցակցություն)	Տարվա ընթացքում
3. Ապրանքային շուկաների տնտեսական մրցակցության իրավիճակի գնահատման համար անհրաժեշտ առկա տեղեկատվական բազայի թարմացում և ընդլայնում	Տարվա ընթացքում
4. Տնտեսական մրցակցության իրավիճակի վերլուծություն՝ բնակչության կողմից սպառման կառուցվածքում առավել մեծ տեսակարար կշիռ ունեցող ապրանքների ապրանքային շուկաներում տնտեսական մրցակցության իրավիճակի շարունակական դիտանցում և գնահատում	Պարբերաբար
5. Հակամրցակցային համաձայնությունների հայտնաբերում և դադարեցում. - իրացման կամ ձեռքբերման խտրական և (կամ) տարբերակված գների հայտնաբերմանն ուղղված դիտանցում և գնահատում - ապրանքի գնի չհիմնավորված բարձրացման, իջեցման կամ պահպանման բացահայտմանն ուղղված դիտանցում և գնահատում	Պարբերաբար
- միևնույն ապրանքային շուկայի որոշակի տարածքներում, որոշակի ծավալներով, տեսականիով, սպառողների կամ մատակարարների խմբերով ապրանքների շրջանառության սահմանափակման դեպքերի ուսումնասիրություն - համաձայնեցված գործողությունների արդյունքում տնտեսվարող սուբյեկտների կողմից շուկայի մուտքի խոչընդոտների կամ շուկայից տնտեսվարող սուբյեկտներին դուրս մղելու փաստերի և այլ գործողությունների բացահայտմանն ուղղված ուսումնասիրություն	Պարբերաբար
6. Տնտեսվարող սուբյեկտի կողմից ներկայացված տեղեկատվության արժանահավատության պարզում, տնտեսվարող սուբյեկտի փաստացի գործունեության բացահայտում: Օրենքով սահմանված կարգով հետազոտության, ստուգման, ուսումնասիրության և (կամ) դիտանցման իրականացում	Ամենամսյա
7. Հասարակության տեղեկացվածության բարձրացում.	

- զանգվածային լրատվության միջոցներով Հանձնաժողովի աշխատանքների պարբերական լուսաբանում
- զանգվածային լրատվության միջոցներով օրենքի դրույթների մեկնաբանությունների ներկայացում

8. Քաղաքացիների և տնտեսվարող սուբյեկտների, զանգվածային լրատվամիջոցների, դիմումների հիման վրա ապրանքային շուկաներում ուսումնասիրությունների իրականացում

Սահմանված ժամկետներում՝ ըստ տեղեկատվության

9. Իրավական ակտերի և պայմանագրերի փորձաքննությունների անցկացում

Ըստ ներկայացման

** Նշված յուրաքանչյուր միջոցառում ներառում է պարտադիր կատարման համալիր գործողություններ:*

Լիցենզավորում, ներդրումային ծրագրերի որակական ցուցանիշների ուսումնասիրություն և սակագնային քաղաքականություն

Հանձնաժողովն իր իրավասությունների շրջանակում կշարունակի **լիցենզավորման** գործընթացն և կիրականացնի լիցենզավորման պայմանների կատարման և դրանց խստացման ուսումնասիրություններ: Առանձնապես ուշադրություն կդարձվի սպառողների և լիցենզավորված գործունեություն վարող մարմինների միջև պայմանագրային պարտավորությունների կատարման ընթացքին, իրենց պարտականությունները ոչ պատշաճ կատարող ընկերությունների նկատմամբ կկիրառվեն պատասխանատվության միջոցներ:

Սակագնային քաղաքականության իրականացման բնագավառում Հանձնաժողովը հիմք կընդունի համաշխարհային պրակտիկայում ընդունված՝ անհրաժեշտ հասույթի, ողջամիտ շահույթի և ծախսերի հիմնավորվածության ապահովման սկզբունքները, ինչպես նաև սպառողների և կարգավորվող գործունեություն իրականացնող անձանց շահերի հավասարակշռումը՝ միաժամանակ հնարավորություն ընձեռելով իրականացնելու արդիականացման և հեռանկարային զարգացման ծրագրեր:

Կատարվելու են գործող սակագների կառուցվածքի համապատասխան ուսումնասիրություններ, մշակվելու են սակագների կառուցվածքի կատարելագործման ուղղություններ և ներկայացվելու են դրանց փուլային ներդրման առաջարկություններ:

Նախատեսվում են ջրային համակարգում սակագների վերանայման, սահմանման և ներդրումների վերաբերյալ քննարկումներ, որն ուղղված կլինի ծառայությունների և վճարների կարգավորմանը:

Հանձնաժողովը մանրամասն կուսումնասիրի և վերլուծության կենթարկի կարգավորվող ընկերությունների ներդրումային ծրագրերը և կպատրաստի

համապատասխան վերլուծական տեղեկանքներ, ինչպես նաև կիրականացնի կարգավորվող ընկերությունների կողմից սպառողներին մատուցվող ծառայությունների որակի գնահատման չափանիշների կատարելագործման և հսկողության աշխատանքներ:

«Հանրային ծառայությունների կարգավորման պարտադիր վճարների մասին» Լեռնային Ղարաբաղի Հանրապետության օրենքի պահանջներից ելնելով, նախատեսվում է մինչև ընթացիկ տարվա ավարտը ճշգրտել և հաստատել հանրային ծառայությունների կարգավորման պարտադիր վճար վճարողների 2012 թվականի անվանական կազմը և հանրային ծառայությունների կարգավորման պարտադիր վճարների տարեկան մեծությունները:

2012 թվականի ընթացքում կարգավորվող ընկերությունները կներկայացնեն Հանձնաժողովի սահմանած ձևերին համապատասխան ֆինանսական հաշվետվություններ, որոնց հիման վրա կկատարվի նրանց ֆինանսական վիճակի և գործունեության արդյունքների վերլուծություն:

2012 թվականին նախատեսվում է տրամադրել Հանձնաժողովի կողմից կարգավորվող բնագավառներում լիցենզիաներ և թույլտվություններ հետևյալ ընկերություններին.

Հ/Հ	Իրավաբանական անձ	Լիցենզիաների և թույլտվությունների գործունեության տեսակը	Ծանուցում
	Էներգետիկա		
1	«Էյ-ի-Ջի» ՍՊԸ	Էլ.էներգիայի (հզորության) արտահանման	երկարաձգում
2	«Էյ-ի-Ջի» ՍՊԸ	Բնական գազի ներկրման	երկարաձգում
3	«ԱրցախսՀԷԿ»ԲԲԸ		
3,1	«Թրդի 3»	կառուցման	փոքր ՀԷԿ
3,2	«Մատաղիս 1»	արտադրության	փոքր ՀԷԿ
3,3	«Մատաղիս 2»	արտադրության	փոքր ՀԷԿ
4	«Պրոտոն» ՓԲԸ		
4,1	«Սյունիք 2»	արտադրության	փոքր ՀԷԿ
5	«Արցախէներգո» ՓԲԸ		
5,1		համակարգի օպերատորի	
5,2		հաշվառման կենտրոնի	
	Ջրային համակարգ		
6	«Ջրային տնտեսություն» ՓԲԸ	ջրային համակարգի օգտագործման	երկարաձգում և նոր շրջանի ներառում (ոռոգման ջրի)

7	«Ջրամատակարարում և ջրահեռացում» ՓԲԸ	ջրային համակարգի օգտագործման	խմելու ջրի
8	«Քաշաթաղի ջրամատակարարում» ՓԲԸ	ջրային համակարգի օգտագործման	խմելու և ոռոգման ջրի

Հանձնաժողովը աշխատանքներ կծավալի այլ ընտրանքային էներգետիկ ռեսուրսների օգտագործման համար սակագներ սահմանելու ուղղությամբ: Ջերմային էներգիայի ստացման գործառույթները կարգավորելու նկատառումներից ելնելով՝ Հանձնաժողովը կմշակի և կընդունի համապատասխան իրավական ակտեր և կկատարի փոփոխություններ սակագների հաշվարկման կարգերում:

Հանձնաժողովը մշտապես հետևում է կարգավորվող ընկերությունների կողմից լիցենզիաների պայմանների պահպանման և իրավական ակտերի պահանջների կատարման ընթացքին՝ ինչպես ընկերություններից պահանջվող հաշվետվությունների՝ այնպես և ընտրանքային կարգով տեղերում իրականացվող մոնիթորինգի միջոցով:

Հասարակության հետ տարվող աշխատանքների բարելավում

Հանրության համար հետաքրքրություն ներկայացնող որոշումների մասին հաղորդագրությունները, Հանձնաժողովի գործունեությանն առնչվող պաշտոնական տեղեկատվությունը կիրապարակվեն մամուլում, կտարածվեն էլեկտրոնային լրատվամիջոցներով և փոստով: Կշարունակվի Հանձնաժողովի արդյունավետ փոխգործակցությունը ԶԼՄ-ների հետ: Հանձնաժողովի անդամները և աշխատակազմի մասնագետները հասարակական հնչեղություն ունեցող որոշումների, հարցերի շուրջ էլեկտրոնային լրատվամիջոցներով և տպագիր մամուլով պարբերաբար հանդես կգան ճանաչողական բնույթի հաղորդումներով, պարզաբանումներով և հարցազրույցներով: Կիրականացվի մամուլի հրապարակումների ամենօրյա վերլուծություն: Լրատվամիջոցների հաղորդած տեղեկությունները, ընկերություններից համապատասխան պարզաբանումներ ստանալուց հետո, կօգտագործվեն մատուցվող ծառայությունների որակի մասին Հանձնաժողովի նպատակային ուսումնասիրություններում:

Հանձնաժողովը ջանքեր կգործադրի թափանցիկ և հրապարակային գործունեության, զանգվածային լրատվամիջոցների հետ սերտ համագործակցության ճանապարհով նպաստելու հանրության իրազեկության աստիճանի բարձրացմանը, յուրաքանչյուր քաղաքացու տեղեկատվություն ստանալու իրավունքի իրացմանը: Հանձնաժողովը պաշտոնական ինտերնետային կայքով, թերթերով, հեռուստատեսությամբ կծանուցի

Հանձնաժողովի նիստերի մասին, իսկ դրանց ավարտից հետո կմեկնաբանվեն ընդունված որոշումները, լրագրողների համար կկազմակերպվեն ձեռագրույցներ: Կշարունակվեն նաև պարբերաբար քննարկումները, մոնիթորինգների անցկացումը հասարակական կազմակերպությունների, սպառողների և կարգավորվող ընկերությունների մասնակցությամբ, հասարակական կազմակերպությունների ներկայացուցիչներին, սպառողներին հուզող հարցերին և բողոքներին պատշաճ ընթացք տալու նպատակով:

Ներպետական և միջազգային համագործակցություն

Հանձնաժողովը առաջատար երկրների փորձն ուսումնասիրելու և կիրառելու նպատակով կշարունակի ակտիվ համագործակցությունը Հայաստանի Հանրապետության համապատասխան Հանձնաժողովների և նրանց միջոցով նաև միջազգային կառույցների հետ: Հայաստանի Հանրապետության համապատասխան Հանձնաժողովների հետ կնքված համագործակցության համաձայնագրերի շրջանակներում 2012 թվականի համար էլ է նախատեսվում Հանձնաժողովի մասնագետների մասնակցությունը միջազգային կազմակերպությունների կողմից կազմակերպվող սեմինարներին և տարաբնույթ միջոցառումներին:

Հանրային ծառայությունների հիմնախնդիրների լուծմանը և մրցակցության պաշտպանության զարգացմանը նպաստելու առումով համագործակցությունը իրականացվելու է նաև հետևյալ ուղղություններով.

- Համագործակցություն ինստիտուցիոնալ նպատակով,

- Համագործակցություն տնտեսական մրցակցության մասին օրենսդրությունը միջազգային չափանիշներին համապատասխանեցնելու նկատառումով՝ ներառելով ժամանակակից մարտահրավերների հրամայականները,

- Ստորագրված համագործակցության համաձայնագրերով սահմանված պարտավորությունների կատարման արդյունավետության բարձրացում,

- Փորձի փոխանակում և լավագույն փորձի կիրառում:

Հանձնաժողովը նախատեսում է ընդլայնել և զարգացնել նաև ներպետական համագործակցությունը՝ սերտորեն համագործակցել պետական կառավարման մարմինների և այլ գերատեսչությունների հետ: Դա պայմանավորված է հավաստի տեղեկատվության ստացման, փորձի փոխանակման և տնտեսական մրցակցության քաղաքականության կիրարկման վերաբերյալ հասարակության և պետական այլ

մարմինների կողմից ընկալման անհրաժեշտությամբ: Այդ տեսանկյունից կարևորվում է Հանձնաժողովի համագործակցությունը օրենսդիր, գործադիր և դատական համակարգի կառույցների հետ: Միաժամանակ բարեխիղճ մրցակցության համար անհրաժեշտ միջավայր ապահովելու և մրցակցության քաղաքականության կիրարկման արդյունավետությունը բարձրացնելու նպատակով Հանձնաժողովը կհամագործակցի Լեռնային Ղարաբաղի Հանրապետության ազգային վիճակագրության ծառայության, Լեռնային Ղարաբաղի Հանրապետության արդարադատության նախարարության, Լեռնային Ղարաբաղի Հանրապետության արտադրական ենթակառուցվածքների նախարարության, Լեռնային Ղարաբաղի Հանրապետության ֆինանսների նախարարության, Լեռնային Ղարաբաղի Հանրապետության տնտեսական զարգացման նախարարության, Լեռնային Ղարաբաղի Հանրապետության կառավարությանն առընթեր հարկային պետական ծառայության, ինչպես նաև պետական շահագրգիռ այլ մարմինների հետ:

Այս ծրագրում նշված նպատակներին հասնելու համար Հանձնաժողովն ակնկալում է նաև տեղական ինքնակառավարման մարմինների ու գործարար հանրության, սպառողների և հասարակական կազմակերպությունների համագործակցությունը: